

0.0.1 tayodhamma suttaṃ

0. source: sāvatti

1. tayo me bhikkhave dhammā loke na saṃvijjeyyūṃ, na tathāgato loke uppajjeyya araham sammāsambuddho, na tathāgatappavedito dhammavinayo loke dippeyya. katame tayo: jāti ca jarā ca maraṇaṇca. ime kho bhikkhave tayo dhammā loke na saṃvijjeyyūṃ, na tathāgato loke uppajjeyya araham sammāsambuddho, na tathāgatappavedito dhammavinayo loke dippeyya. yasmā ca kho bhikkhave ime tayo dhammā loke saṃvijjanti, tasmā tathāgato loke uppajjati araham sammāsambuddho. tasmā tathāgatappavedito dhammavinayo loke dippati.

2. tayome bhikkhave dhammā appahāya abhabbo jātiṃ pahātuṃ jaram pahātuṃ maraṇam pahātuṃ. katame tayo: rāgam appahāya dosam appahāya moham appahāya. ime kho bhikkhave tayo dhamme appahāya abhabbo jātiṃ pahātuṃ jaram pahātuṃ maraṇam pahātuṃ.

3. tayome bhikkhave dhamme appahāya abhabbo rāgam pahātuṃ dosam pahātuṃ moham pahātuṃ. katame tayo: sakkāyadiṭṭhiṃ appahāya vicikiccham appahāya silabbataparāmāsam appahāya. ime kho bhik-

khave tayo dhamme appahāya abhabbo rāgaṃ pahātum dosam pahātum moham pahātum.

4. tayome bhikkhave dhamme appahāya abhabbo sakkāyaditthim pahātum, vicikiccham pahātum silabbataparāmāsam pahātum. katame tayo: ayonisomanasikāram appahāya kummaggasevanam appahāya cetaso līnattam appahāya. ime kho bhikkhave tayo dhamme appahāya abhabbo sakkāya ditthim pahātum vicikiccham pahātum silabbataparāmāsam pahātum.

5. tayome bhikkhave dhamme appahāya abhabbo ayoniso manasikāram pahātum kummaggasevanam pahātum cetaso līnattam pahātum. katame tayo: 'mutthasaccam appahāya asampajaññaṃ appahāya cetaso vikkhepaṃ appahāya. ime kho bhikkhave tayo dhamme appahāya abhabbo ayoniso manasikāram pahātum kummaggasevanam pahātum cetaso līnattam pahātum.

6. tayome bhikkhave dhamme appahāya abhabbo mutthasaccam pahātum asampajaññaṃ pahātum cetaso vikkhepaṃ pahātum. katame tayo: ariyānamadassanākamayatam appahāya ariyadhammassa asotukamayatam appahāya upārambhacittam appahāya. ime kho bhikkhave tayo dhamme appahāya abhabbo mutthasaccam pahātum asampajaññaṃ pahātum cetaso vikkhepaṃ pahātum.

7. tayome bhikkhave dhamme appahāya abhabbo ariyānamadassanakamyataṃ pahātuṃ ariyadhammassa asotukamyataṃ pahātuṃ upārambhacittataṃ pahātuṃ. katame tayo: uddhaccaṃ appahāya asaṃvaram appahāya dussīlyaṃ appahāya. ime kho bhikkhave tayo dhamme appahāya abhabbo ariyānamadassanakamyataṃ pahātuṃ ariyadhammassa asotukamyataṃ pahātuṃ upārambhacittataṃ pahātuṃ.

8. tayome bhikkhave dhamme appahāya abhabbo uddhaccaṃ pahātuṃ asaṃvaram pahātuṃ dussīlyaṃ pahātuṃ. katame tayo: assaddhiyaṃ appahāya avadaññutaṃ appahāya kosajjaṃ appahāya. ime kho bhikkhave tayo dhamme appahāya abhabbo uddhaccaṃ pahātuṃ. asaṃvaram pahātuṃ dussīlyaṃ pahātuṃ.

9. tayo me bhikkhave dhamme appahāya abhabbo assaddhiyaṃ pahātuṃ avadaññutaṃ pahātuṃ kosajjaṃ pahātuṃ. katame tayo: anādariyaṃ appahāya dovacassataṃ appahāya pāpamittataṃ appahāya. ime kho bhikkhave tayo dhamme appahāya abhabbo assaddhiyaṃ pahātuṃ avadaññutaṃ pahātuṃ kosajjaṃ pahātuṃ.

10. tayo me bhikkhave dhamme appahāya abhabbo anādariyaṃ pahātuṃ dovacassataṃ pahātuṃ pāpamittataṃ pahātuṃ. katame tayo: ahirikaṃ appahāya anot-

tappaṃ appahāya pamādaṃ appahāya. ime kho bhikkhave tayo dhamme appahāya abhabbo anādariyaṃ pahātuṃ dovacassataṃ pahātuṃ pāpamittataṃ pahātuṃ.

11. ahirikoyaṃ bhikkhave anottappī¹ pamatto hoti, so pamatto samāno abhabbo anādariyaṃ pahātuṃ dovacassataṃ pahātuṃ pāpamittaṃ pahātuṃ, so pāpamitto samāno abhabbo assaddhiyaṃ pahātuṃ avadaññaṃ pahātuṃ kosajjaṃ pahātuṃ, so kusīto samāno abhabbo uddhaccaṃ pahātuṃ asaṃvaraṃ pahātuṃ dussīlyaṃ pahātuṃ, so dussīlo samāno abhabbo ariyānamadassanakamyataṃ pahātuṃ ariyadhammassa asotukamyataṃ pahātuṃ, upārambhacittataṃ pahātuṃ, so upārambhacitto samāno abhabbo muṭṭhasaccaṃ pahātuṃ asampajaññaṃ pahātuṃ cetaso vikkhepaṃ pahātuṃ so vikkhitta citto samāno abhabbo ayo nisomanasikāraṃ pahātuṃ kummaggasevanaṃ pahātuṃ cetaso līnattaṃ pahātuṃ, so līnacitto samāno abhabbo sakkāyaditṭhiṃ pahātuṃ vicikicchāṃ pahātuṃ sīlabataparāmāsaṃ pahātuṃ, so vicikicchho samāno abhabbo rāgaṃ pahātuṃ dosaṃ pahātuṃ mohāṃ pahātuṃ, so rāgaṃ appahāya dosaṃ appahāya mohāṃ appahāya abhabbo jātiṃ pahātuṃ jaraṃ pahātuṃ maraṇaṃ pahātuṃ.

12. tayo me bhikkhave dhamme pahāya bhabbo jātiṃ pahātuṃ jaraṃ pahātuṃ maraṇaṃ pahātuṃ. ka-

¹anottāpī - machasaṃ.

tame tayo: rāgaṃ pahāya dosaṃ pahāya mohaṃ pahāya. ime kho bhikkhave tayo dhamme pahāya bhabbo jātiṃ pahātum jaraṃ pahātum maraṇaṃ pahātum.

13. tayo me bhikkhave dhamme pahāya bhabbo rāgaṃ pahātum dosaṃ pahātum mohaṃ pahātum. katame tayo: sakkāyadiṭṭhiṃ pahāya vicikicchāṃ pahāya sīlabbataparāmāsaṃ pahāya. ime kho bhikkhave tayo dhamme pahāya bhabbo rāgaṃ pahātum dosaṃ pahātum mohaṃ pahātum.

14. tayome bhikkhave dhamme pahāya bhabbo sakkāyadiṭṭhiṃ pahātum vicikicchāṃ pahātum sīlabbataparāmāsaṃ pahātum. katame tayo: ayonisomanasikāraṃ pahāya kummaggasevanaṃ pahāya cetaso līnattaṃ pahāya. ime kho bhikkhave tayo dhamme pahāya bhabbo sakkāya diṭṭhiṃ pahātum vicikicchāṃ pahātum sīlabbataparāmāsaṃ pahātum.

15. tayome bhikkhave dhamme pahāya bhabbo ayonisomanasikāraṃ pahātum kummaggasevanaṃ pahātum cetaso līnattaṃ pahātum. katame tayo: muṭṭhasaccaṃ pahāya asampajaññaṃ pahāya cetaso vikkhepaṃ pahāya. ime kho bhikkhave tayo dhamme pahāya bhabbo ayoniso manasikāraṃ pahātum kummaggasevanaṃ pahātum cetaso līnattaṃ pahātum.

16. tayome bhikkhave dhamme pahāya bhabbo muṭṭhasaccaṃ pahātum asampajaññaṃ pahātum cetaso vikkhepaṃ pahātum. katame tayo: ariyānamadassanakamyataṃ pahāya ariyadhammassa asotukamyataṃ pahāya upārambhacittataṃ pahāya. ime kho bhikkhave tayo dhamme pahāya bhabbo muṭṭhasaccaṃ pahātum asampajaññaṃ pahātum cetaso vikkhepaṃ pahātum.

17. tayome bhikkhave dhamme pahāya bhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum. katame tayo: uddhaccaṃ pahāya asaṃvaram pahāya dussīyaṃ pahāya. ime kho bhikkhave tayo dhamme pahāya bhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum.

18. tayome bhikkhave dhamme pahāya bhabbo uddhaccaṃ pahātum asaṃvaram pahātum dussīyaṃ pahātum. katame tayo: assaddhiyaṃ pahāya avadaññaṃ pahāya kosajjaṃ pahāya. ime kho bhikkhave tayo dhamme pahāya bhabbo uddhaccaṃ pahātum. asaṃvaram pahātum dussīyaṃ pahātum.

19. tayome bhikkhave dhamme pahāya bhabbo assaddhiyaṃ pahātum avadaññaṃ pahātum kosajjaṃ pahātum. katame tayo: anādariyaṃ pahāya dovacasataṃ pahāya pāpamittataṃ pahāya. ime kho bhikkhave tayo dhamme pahāya bhabbo assaddhiyaṃ pa-

hātum avadaññutam pahātum kosajjam pahātum.

20. tayo me bhikkhave dhamme pahāya bhabbo anādariyam pahātum dovacassatam pahātum pāpamittatam pahātum. katame tayo: ahirikaṃ pahāya anottappaṃ pahāya pamādaṃ pahāya. ime kho bhikkhave tayo dhamme pahāya bhabbo anādariyam pahātum dovacassatam pahātum pāpamittatam pahātum.

21. hirimāyaṃ bhikkhave ottappī appamatto hoti, so appamatto samāno bhabbo anādariyam pahātum dovacassatam pahātum pāpamittatam pahātum. so kalyāṇamitto samāno bhabbo assaddhiyaṃ pahātum avadaññutam pahātum kosajjam pahātum. so āradhaviṛiyo samāno bhabbo uddhaccaṃ pahātum asaṃvaraṃ pahātum dussilyaṃ pahātum. so sīlavā samāno bhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittatam pahātum. so anupārambhacitto samāno bhabbo muṭṭhasaccaṃ pahātum asampajaññaṃ pahātum cetaso vikkhepaṃ pahātum. so avikkhittacitto samāno bhabbo ayonisomanasikāraṃ pahātum kummaggasevanaṃ pahātum cetaso līnattaṃ pahātum. so alīnacitto samāno bhabbo sakkāyadiṭṭhiṃ pahātum vicikicchāṃ pahātum, sīlabbataparāmāsaṃ pahātum. so avicikiccho samāno bhabbo rāgaṃ pahātum dosaṃ pahātum mohaṃ pahātum. so rāgaṃ pahāya dosaṃ pahāya mohaṃ pahāya bhabbo jātiṃ pahātum jaraṃ pa-

hātum maraṇaṃ pahātunti.